

德陽縣新志卷十一

士女志

人物

舊志所載多與史傳里居不合未知作者當時所本何書姑仍之以俟博雅

漢

郭堅伯 郭游君後漢書蔡茂傳云郭賀祖父堅伯父游君並修清節不仕王莽華陽國志云郭堅烏丸校尉按茂傳當是祖父名堅伯父名游君今只名堅是以伯父連文恐未必然

德陽縣新志

卷十一

人物

郭賀字喬卿能明法累官建武中為尚書令曉習故事多所匡益拜荊州刺史引見賞賜恩寵隆異及到官有殊政百姓便之歌曰厥德仁明郭喬卿忠正朝廷上下平顯宗巡狩至南陽特見嗟歎賜以三公之服黼黻冕旒勅行部去檐帷使百姓見其容服以章有德每所經過吏人指以相示莫不榮之永平四年徵拜河南尹以清靜稱在官三年卒詔書愍惜賜車一乘錢四十萬見後漢書蔡茂傳又華陽國志云賀雒人初為太守黃幸戶曹幸有事與漢中太守李榮俱被徵賀勸幸星行詣詔獄自歸得免榮稽留詔殺由是顯名蔡茂傳又云茂夢

坐大殿極上有三穗禾跳取之得其中穗輒復失之以
問主簿賀賀離席慶曰大殿官府之象也極而有禾人
臣之上祿也取中穗中台之位也於字禾失爲秩雖云
失之乃所以得祿秩也袞職有闕君其補之旬月而茂
徵焉乃碎賀爲掾按漢制功曹主簿計吏多用同郡人
華陽國志作雒人後漢書作雒陽人蔡茂黃幸俱廣漢
太守則雒人爲是陽字當衍

姜詩字士遊廣漢人事母至孝妻龐氏奉順尤篤母好飲
江水水去舍六七里妻嘗泝流而汲後值風不時得還
母渴詩責而遣之妻乃寄止鄰舍晝夜紡績市珍羞託

德陽縣新志

卷十一

人物

三

鄰母以意自遺其姑如是者久之姑怪問鄰母鄰母具
對姑感慙呼還恩養愈謹其子後因遠汲溺死妻恐姑
哀傷不敢言而託以行學不在姑嗜魚膾又不能獨食
夫婦常力作供膾呼鄰母共之舍側忽有湧泉味如江
水每日輒出雙鯉魚常以供二母之膳赤眉散賊經詩
里弛兵而過曰驚大孝必觸鬼神時歲荒賊乃遺詩米
肉受而埋之比落蒙其安全永平三年察孝廉顯宗詔
曰大孝入朝凡諸舉者一聽平之皆拜爲郎中詩尋除
江陽令卒於官所居治鄉人爲立祀見後漢書列女本

傳

詠漢孝子姜詩 二首

明成祖

姜詩夫婦孝通神遠汲江流養老親舍側出泉誠異事
每朝况復出雙鱗

作膳娛親事不難每呼鄰母與共食赤眉感動回兗暴
薦辟還看致美官

安安名石泉詩子七歲母為父出寓鄰姑家安安卜于飛
雲洞道士知母所在時負米供母代母汲江水為水漂
沒明縣令柯鐔併立像祀之見舊志

李尤字伯仁廣漢雒人少以文章顯和帝時侍中賈逵薦
尤有相如揚雄之風召詣東觀受詔作賦拜蘭臺令史

德陽縣新志 卷十一 人物

三

稍遷安帝時為諫議大夫受詔與謁者僕射劉珍等俱
撰漢紀後帝廢太子為濟陰王上書諫爭順帝立遷樂
安相年八十三卒所著詩賦銘誄頌七歎哀典凡二十
八篇見後漢書文苑本傳

李充尤孫有文才官尚書郎見華陽國志後漢書別有李
充乃陳留人與此異

蔡弓字子騫雒人與邾人鐔賢攜手共學冬則侍親春行
受業嘗與張霸李邵張皓陳禪為友共事司徒魯恭又
與王稚子同見蔡孝於太守陳司空歷豫州刺史光祿
大夫侍中衛尉弓為廬江太守徵拜議郎而霸邵皓禪

皆至公卿讚曰鐔蔡翩翩交友推賢見華陽國志
折國鬱林太守張江四世孫以國爲姓見華陽國志詳下
折像傳

張浮與鄰人王祐齊名不應州郡之命見華陽國志

李勝字茂通後漢書李尤傳同郡李勝亦有文才爲東觀
郎著詩誄頌論數十篇

段恭字節英少周流七十餘郡求師受學經三十年凡事
馮翊駱異孫泰山彥之章渤海紀叔陽遂明天文二卷
東平虞叔雅學絕高當世遂遊於蜀恭以朋友禮待之
後爲上計掾會有司劾太尉龐參兼舉茂才孝廉參性

德陽縣新志

卷一

人物

四

忠正亮直爲貴戚所擯以恚發病遂近稱冤恭不能耐
其狂亢疏表參忠直不當以讒佞傷毀忠正帝悟卽日
召西曹掾問疾尋以羊酒勞慰參思見後漢書儒林本
傳

翟酺字子超廣漢雒人四世傳詩酺好老子尤善圖緯天
文歷算以報舅讎當徙日南亡於長安爲卜相工後牧
羊涼州遇赦還仕郡徵議郎遷侍中時尙書有缺詔將
大夫六百石以上試對政事天文道術酺第一拜尙書
安帝始親政事耿寶閻顯等並用威權酺上疏諫不省
外戚寵臣咸畏惡之延光三年出爲酒泉太守叛羌干

餘騎徙敦煌來鈔郡界酺赴擊斬首九百級威名大震
遷京兆尹順帝卽位拜光祿大夫遷將作大匠損省經
用歲息四五千萬屢因災異多所匡正權貴共誣酺及
尚書令高堂芝等交通屬託坐減死歸復被章逮詣廷
尉及杜真等訟之事得明釋卒於家初爲大匠上言孝
文皇帝始置五經博士武帝大合天下之書而孝宣論
六經於石渠學者滋盛光武初起太學博士舍內外講
堂諸生橫卷爲海內所集明帝時辟雍始成欲毀太學
太尉趙熹以爲皆宜存頃者頽廢至爲園采芻牧之處
宜更修繕誘進後學帝從之遂起太學開拓房室學者

爲立碑銘於學云見後漢書本傳又華陽國志云少事
段翳爲侍中尚書見太史孫懿歔歔涕泣曰圖書有賊
臣孫登將以才智爲黃門開路君表相因之是以悽愴
爲京兆尹光祿大夫將作大匠上言漢四百年當有弱
主閉門聽政數在三百年之間薦故太尉龐參故司徒
李邵明通三才忠正可以輔世所言每指利疾權貴共
誣酺及尚書令高堂芝交構免死著援神鉤命解詁十
二篇

杜真字孟宗縣竹人少有孝行習易春秋誦百萬言兄事
同郡翟酺酺後被繫獄真上檄章救酺繫獄笞六百竟

免黼難京師莫不壯之見益都耆舊傳又華陽國志云以漢道微散財施宗族不應州辟命及辭長吏候迎每交於門乃斷髮以自絕

折像字伯式雒人其先張江封折侯曾孫國爲鬱林太守徙廣漢因封氏焉國生像國有貲財二億家僮八百人像幼有仁心不殺昆蟲不折萌芽能通京氏易好黃老言及國卒感多藏厚亡之義乃散金帛資產周施親疏或諫曰君三男兩女孫息盈前當增益產業何爲坐自殫竭乎像曰昔鬪子文有言我乃逃禍非避富也吾門戶殖財日久盈滿之咎道家所忌今世將衰子又不才

德陽縣新志

卷十一

人物

六

不仁而富謂之不幸牆隙而高其崩必疾也智者聞之咸服焉自知亡日召賓客九族飲食辭訣而終時年八十四家無餘資諸子衰劣如其言云見後漢書方術本傳

昭約字節宰見華陽國志楊厚傳作雒人

董扶字茂安廣漢縣人少游太學與鄉人任安齊名俱事同郡楊厚學圖讖還家講授弟子自遠而至前後宰輔十辟公車三徵再舉賢良方正博士有道皆稱疾不就靈帝時大將軍何進薦扶徵拜侍中甚見器重扶私謂太常劉焉曰京師將亂益州分野有天子氣焉信之

遂求出爲益州牧扶亦爲蜀郡屬國都尉相與入蜀去
後一歲帝崩天下大亂及去官還家年八十二卒後劉
備稱天子於蜀皆如扶言蜀丞相諸葛亮問廣漢秦必
董扶及任安所長宓曰董扶喪秋毫之善貶纖芥之惡
任安記人之善忘人之過云見後漢書方術本傳

任安字定祖廣漢縣人少游太學受孟氏易兼通數經
又從同郡楊厚學圖讖究極其術時人稱曰欲知仲舒
問任安又曰居今行古任定祖學終還家教授諸生
遠而至初仕州郡後太尉再辟除博士公車徵皆稱病
不就州牧劉焉表薦之時王塗隔塞詔命竟不至年七

德陽縣新志

卷十一

人物

七

十九建安七年卒於家見後漢書儒林本傳又益部耆
舊傳云安少事聘士楊厚究極圖籍與董扶俱以學行
齊聲舉孝廉茂才太尉載辟除博士公車徵皆稱疾不
就州牧劉焉表薦安味精道度厲節高邈揆其器量國
之元寶宜處弼疑之輔以消非常之咎元纁之禮所宜
招命王塗隔塞遂無聘命卒門人仰慕爲之碑銘

劉寵字世信緜竹人出自孤微以明公羊春秋上計闕下
見除成都令政教明肅時諸縣多難治乃換寵爲郫令
又換郫安漢皆垂績還任成都遷牂柯太守初乘一馬
之官布衣蔬食儉以爲教居郡九年乘之而還吏人爲

之立銘王商陳實當時貴士皆與爲友又云成都縣名
難治廣漢劉龐爲令大姓恣縱諸趙倚公故多犯法漢
陽太守趙子真父子強橫龐治其罪莫不震肅郫民楊
伯侯奢侈大起家瑩因龐爲郫令伯侯遂徙占成都龐
復爲成都豪右敬服並見華陽國志事同名異應是一
人但士女讚作寵蜀志作龐未詳孰是後漢書別有劉
寵乃陳留人與此異

韓揆字伯彥縣人爲令錡哀主簿值黃巾賊入界扶哀
走入草中哀遣求隱翳處未還哀爲賊所得見害揆殯
殮葬埋訖詣從事賈龍求兵討賊賊破曰本報令君而

德陽縣新志

卷十一

人物

八

苟自活非忠乃自殺見華陽國志

左喬雲縣人少爲左通所養爲子通坐任徒徒逃吏欲
破通臚通無壯子故爲吏所侵喬雲時年十三喟然憤
怒以銳刀殺吏解通將走令出追初聞以爲壯士及知
小兒爲之流涕見華陽國志

郭玉雒人初有老父漁釣涪水因號涪翁著鍼經診脈法
弟子程高尋求積年乃授之玉少師事高學方診六微
之技陰陽隱側之術和帝時爲太醫丞多有效應帝奇
之令嬖臣美手腕者與女子雜處惟中令玉各診一手
問所疾苦玉曰左陰右陽脈有男女狀若異人臣疑其

故帝歎息稱善玉仁愛不矜雖貧賤廝養必盡其心力而醫療貴人時或不愈帝乃令貴人羸服變處一鍼卽差召詰其狀對曰醫之爲言意也腠理至微隨氣用巧鍼石之間毫芒卽乖神存於心手之際可得解而不可得言也夫貴者處尊高以臨臣臣懷怖懾以承之其爲療有四難自用意而不任臣一難也將身不謹二難也骨節不彊不能使藥三難也好逸惡勞四難也鍼有分寸時有破漏重以恐懼之心加以裁慎之志臣意且猶不盡何有於病哉此其所以爲不愈也帝善其對年老卒官見後漢書方術本傳

德陽縣新志

卷十一

人物

九

寇權華陽國志云高士寇權字文儀縣人楊厚弟子也文楊厚傳云弟子雒昭約節宰縣人寇權文儀蜀郡何萇幼正侯祈升伯巴郡周舒叔布及任安董扶等皆徵聘辟舉馳名當世

姜穆爲狄道長坐事徙家朔方死詳見後漢書列女義備傳

秦宓字子敕廣漢縣人也少有才學州郡辟命輒稱疾不往奏記州牧劉焉薦儒士任定祖曰昔百里蹇叔以耆艾而定策甘羅子奇以童冠而立功故書美黃髮而易稱顏淵固知選士用能不拘長幼明矣乃者以來海

內察舉率多英雋而遺舊齒眾論不齊異同相半此乃承平之翔步非亂世之急務也夫欲救危撫亂修己以安人則宜卓犖超倫與時殊趣震驚鄰國駭動四方上當天心下合人意天人既和內省不疚雖遭凶亂何憂何懼昔楚葉公好龍神龍下之好偽徹天何況於真今處士任安仁義直道流名四遠如今見察則一州斯服昔湯舉伊尹不仁者遠何武貢二龔雙名竹帛故貪尋常之高而忽萬仞之嵩樂面前之飾而忘天下之譽斯誠往古之所重慎也甫欲鑿石索玉剖蚌求珠今乃隨和炳然有如皎日復何疑哉誠知晝不操燭日有餘光

但餘情區區貪陳所見劉璋時宓同郡王商爲治中從事與宓書曰貧賤困苦亦何時可以終身卞和銜玉以耀世宜一來與州尊相見宓答書曰昔堯優許由非不宏也洗其兩耳楚聘莊周非不廣也執竿不顧易曰確乎其不可拔夫何銜之有且以國君之賢子爲良輔不以是時建蕭張之策未足爲智也僕得曝背乎隴畝之中誦顏氏之箴瓢詠原憲之蓬戶時翱翔於林澤與沮溺之等儔聽元猿之悲吟察鶴鳴於九臯安身爲樂無憂爲福處空虛之名居不靈之龜知我者希則我貴矣斯乃僕得志之秋也何困苦之戚焉後商爲嚴君平李

宏立祠宓與書曰疾病伏匿甫知足下爲嚴李立祠可謂厚黨勤類者也觀嚴文章冠冒天下由夷逸操山嶽不移使楊子不歎固自昭明如李仲元不遭法言令名必淪其無虎豹之文故也可謂攀龍附鳳者矣如楊子雲潛心著述有補於世泥蟠不滓行參聖師于今海內談詠厥辭邦有斯人以耀四遠怪子替茲不立祠堂蜀本無學士文翁遣相如東受七經還教吏民於是蜀學比於齊魯故地里志曰文翁倡其教相如爲之師漢家得士盛於其世仲舒之徒不達封禪相如制其禮夫能制禮造樂移風易俗非禮所稱有益於世者乎雖有王

孫之累猶孔子大齊桓之霸公羊賢叔術之讓僕亦善長卿之化宓立祠堂速定其銘先是李權從宓借戰國策宓曰戰國從橫用之何爲權曰仲尼嚴平會聚眾書以成春秋指歸之文故海以合流爲大君子以博識爲宏宓報曰書非史記周圖仲尼不采道非虛無自然嚴平不演海以受淤歲一蕩清君子博識非禮不視今戰國反覆儀秦之術殺人自生亡人自存經之所疾故孔子發憤作春秋大乎居正復制孝經廣陳德行杜漸防萌預有所抑是以老氏絕禍於未萌豈不信邪成湯大聖觀野魚而有獵逐之失定公賢者見女樂而棄朝事

若此輩類焉可勝陳道家法曰不見所欲使心不亂是故天地貞觀日月貞明其直如矢君子所履洪範記災發於言貌何戰國之譎權乎哉或謂宓曰足下欲自比於巢許四皓何故揚文藻見瓌穎乎宓答曰僕文不能盡言言不能盡意何文藻之有揚乎昔孔子三見哀公言成七卷事蓋有不可嘿嘿也接輿行且歌論家以光篇漁父詠滄浪賢者以耀章此二人者非有欲於時者也夫虎生而文炳鳳生而五色豈以五采自飾畫哉天性自然也蓋河洛由文興六經由文起君子懿文德采藻其何傷以僕之愚猶恥革子成之誤况賢於己者乎

先主既定益州廣漢太守夏侯纂請宓爲師友祭酒領五官掾稱曰仲父宓稱疾卧在茅舍纂將功曹古朴主簿王普厨膳卽宓第宴談宓卧如故纂問宓曰至於貴州養生之具實絕餘州矣不知士人何如餘州也宓對曰乃自先漢以來其爵位者或不如餘州耳至於著作爲世師式不負於餘州也嚴君平見黃老作指歸揚雄見易作太元見論語作法言司馬相如爲武帝制封禪之文于今天下所共聞也纂曰仲父何如宓以簿擊頰曰願明府勿以仲父之言假於小草民請爲明府陳其本紀蜀有汶阜之山江爲其腹帝以會昌神以建福故

能沃野千里淮濟四瀆江爲其首此其一也禹生石紐
今之汝山郡是也昔堯遭洪水鯀所不治禹疏江決河
東注于海爲民除害生民已來功莫先者此其二也天
帝布治房心決政參伐參伐則益州分野三皇乘祗車
出谷口今之斜谷是也此便郾州之阡陌明府以雅意
論之何若於天下乎於是纂遠巡無以復答益州辟宓
爲從事祭酒先主旣稱尊號將東征吳宓陳天時必無
其利坐下獄幽閉然後貸出建興二年丞相亮領益州
牧選宓迎爲別駕尋拜左中郎將長水校尉吳遣使張
溫來聘百官皆往餞焉眾人皆集而宓未往亮累遣使

促之溫曰此何人也亮曰益州學士也及至溫問曰君
學乎宓曰五尺童子皆學何必小人溫復問曰天有頭
乎宓曰有之溫曰在何方也宓曰在西方詩曰乃眷西
顧以此推之頭在西方溫曰天有耳乎宓曰天處高而
聽卑詩曰鶴鳴九臯聲聞於天若其無耳何以聽之溫
曰天有足乎宓曰有詩云天步艱難之子不猶若其無
足何以步之溫曰天有姓乎宓曰有溫曰何姓宓曰姓
劉溫曰何以知之答曰天子姓劉故以此知之溫曰日
生於東乎宓曰雖生於東而沒於西答問如響應聲而
出於是溫大敬服宓之文辯皆此類也遷大司農四年

卒初宓見帝系之文五帝皆同一族宓辯其不然之本
又論皇帝王霸養龍之說甚有通理譙允南少時數往
諮訪記錄其言於春秋然否論文多故不載評曰秦宓
始慕肥遯之高而無若愚之實然專對有餘文藻壯美
可謂一時之才士矣見三國志本傳又彭萊傳云萊姿
性驕傲多所輕忽惟敬同郡秦子敕薦之於太守許靖
又楊戲傳云戲著季漢輔臣贊贊秦子敕云司農性才
敷述允章藻麗辭理斐斐有光

上太守許靖薦秦宓書

附

漢彭萊

昔高宗夢傳說周文求呂尚爰及漢祖納食其於布衣

德陽縣新志

卷十一

人物

十四

此乃帝王之所以倡業垂統緝熙厥功也今明府稽古
皇極允執神靈體公劉之德行勿翦之惠清廟之作於
是乎始褒貶之義於是乎興然而六翮未之備也伏見
處士繇仲秦宓膺山甫之德履雋生之直枕石漱流吟
詠緼袍偃息於仁義之塗恬淡於浩然之域高概節行
守貞不虧雖古人潛遯茂以加旃若明府能招致此人
必有忠讜落落之譽豐功厚利建跡之勲然後紀功於
王府飛聲於來世不亦美哉

鄭度縣人爲州從事見華陽國志又三國志法正傳云
先主自葭萌南還鄭度說璋曰左將軍懸車襲我兵不

滿萬士眾未附野穀是資軍無輜重其計莫若盡驅巴西梓潼民內涪水以西其倉廩野穀一皆燒除高壘深溝靜以待之彼至請戰勿許久無所資不過百日必將自走走而擊之則必禽耳先主聞而惡之以問正正曰終不能用無可憂也璋果如正言謂羣下曰吾聞拒敵以安民未聞動民以避敵也於是黜度不用其計

晉

司馬勝之字興先縣人學通毛詩治三禮清尚虛素性澹不事榮利初爲郡功曹甚善綱紀之體州辟從事進尚書左選郎徙秘書郎時蜀國州書佐望與郡功曹參

德陽縣新志

卷一

人物

五

選而從事佺臺郎時重察舉雖位經朝要還爲秀孝亦爲郡端右景耀末郡請察孝廉大同後梁州辟別駕從事舉秀才歷廣都新繁令政理尤異以清秀徵爲散騎侍郎以宗室禮之終以疾辭去職卽家拜漢嘉太守候迎盈門固讓不之官閒居清靜謙卑自牧常言世人不務求道德而汲汲於爵祿若吾者可少以爲有餘榮矣訓化鄉間以恭敬爲先年六十五卒於家子尊賢佐皆有令德見華陽國志

宋

張績爲通直郎舊志云卓有治聲惜未詳其事實

張上行績子元豐八年進士爲石泉令吐番寇邊上行言於蜀帥孫義叟曰吐番有二道一由青川抵松茂一由絲州抵雞城今石泉威番亭最爲要害宜先築堡以禦之次升石泉軍以重其權然後調思黔土兵以討之蔑不濟矣策行寇大潰自是邊境帖然蜀賴其惠士民建祠祀之

張中行上行弟事親孝謹清議許其賢大觀三年進士知富順縣監事性資坦厚學問該博後委川陝宣撫使司置省試院內試四川進士卒於官年七十三弟安行請尙書兵部郎中朱輅銘其墓按朱文已失傳舊志以下

德陽縣新志

卷十一

人物

六

篇當之誤

左朝請大夫知富順縣監事張公墓誌 闕名

公諱中行字復道姓張氏系出清河先世長安灞陵人有仕於唐諱松昭宗時爲千牛衛將軍充兩街都知兵馬使與馬殿丞同使蜀會中原亂弗克還因家於畧平鎮後占藉於懷遠里子孫世居焉蓋公七代祖也會大父諱守琳皆不仕父諱績以公兄弟之貴自一命累封贈至金紫光祿大夫母嚴氏同安郡太夫人公以大觀三年擢進士第爲梓州郫縣及永康軍清城縣主簿政和七年用舉薦循從政郎董瀘州築城之役特恩改宣

教郎就差充雅州司錄宣和元年遷奉議郎二年遷承
議郎知嘉州洪雅縣事七年遷朝奉郎靖康建炎覃恩
遷朝請郎紹興元年遷朝奉大夫二年通判永康軍四
年遷左朝散大夫通判閬州九年遷左朝請大夫十年
除知富順監以十三年七月二日卒於官享年七十有
三以明年三月三日葬於懷遠里湯宜人之墓左初娶
白氏再娶宇文氏再娶湯氏皆先公卒各累贈宜人二
子慎言左迪功郎瀘南沿邊安撫使司准備差遣慎修
將仕郎二女長適進士章天民次適進士柳淳孫男四
人長異孫以公致仕補將仕郎次壽孫德孫祿孫合內

德陽縣新志

卷十一

人物

七

外孫男女一十八人公性資坦厚學問該博建炎以來
朝建委川陝宣撫使司置省試院內試四川進士公兩
爲考官所得多一時名士治郡縣則惡必除弊必革所
居民愛所去見思既沒而鄉黨親舊無所尤怨哭之莫
不盡哀其生平行實公弟前監石泉軍西昌鎮酒務安
行一一敘次請銘於尙書兵部郎中朱公輅而襄事日
薄乃先撫其官壽族而刻之石云

張安行見中行下

何耕字道夫德陽人朝野雜記云道夫嘗爲類省試榜首
知名士也恬於進取登第三十年始召爲倉部郎遷右

曹兼儲察史院國子監司業遂爲祭酒兩學之士甚重之每退輒徑杜其門未嘗造請淡如也淳熙七年禮部齊侍郎慶會罷或謂道夫得之已報行矣部吏亦掃閣待其來旣而中止或曰道夫雅爲趙丞相所敬然不甚親之方進呈乃以鄉國之嫌爲辭或曰蜀人有與之異趣者摘其早年之文爲王朴密言之故不果用明年春遷秘書少監其秋溫叔罷相道夫亦求去上諭大臣曰趙雄罷政而蜀士一空太薄惡不可執政論上旨道夫不染物議雍容而去時人稱之道夫當任乃先官其兄之子及死三子德方德彥德固俱未官後皆登科宋詩

德陽縣新志

卷十一

人物

六

紀事云道夫紹興中守蜀之嘉州有惠政與何逢原孫松壽宋誨號四循良民繪像祀之

章森邑人屢官學士嘗書經樓碑字體盈尺書法八分明邑令樊鼎遇稱其嚴整若魯公之儀迺麗得中郎之意今碑猶存雖五六百年神采如常風雨不蝕惟下截題識漸就漫漶

章槩森弟充四川郎官提舉茶馬司幹辦公事善篆書淳熙八年於仙女洞碑首篆重修崇貞觀記六字迄今數百年諸字剝蝕獨槩篆神采不減

范執中進士雅意與學文冠一時有經樓碑記惜剝落難

辨

何德彥德陽人朝野雜記云黎州揀丁皆淳熙閒所創揀丁者土丁之係籍者也嘉定二年守臣何德彥既至官乃核實丁籍擇其少壯者以千四百四十人爲揀丁每十人爲甲十甲爲隊選物力材幹爲鄉里所推者統之又取其餘四千二十九人謂之衍丁若有邊事則揀丁任防擇之責衍丁守護鄉井而已

何德固朝野雜記云李季章參知政事以劄子薦蜀士凡十二人於朝廷乞召擢守貳四人有隆慶倅何叔堅德固按德彥德固皆何耕之子

德陽縣新志

卷十一 人物

九

何充漢州德陽人秘書監耕之孫通判黎州攝州事預爲備禦計及宋能之至建議急於邛峽創大小兩關倉及砦屋百閒親督程役俄關破充自刺不死大軍帥呼之語許以不殺充曰吾三世食趙氏祿爲趙氏死不憾帥設帟幄環坐諸將而虛其賓席呼充曰汝能降卽坐此充踞地坐求死遂罷它日又呼之欲辯其髮而髡其頂曰可殺不可髡又使著招民榜曰吾監州也可聚吾民使殺之耶卽一家有死而已榜必不可署大將遣以酒茗羊牛肉皆卻之自是水飲絕不入口敵知其不可強將副之大將曰此南家好漢也使之卽死於是斬其首

妻陳罵不絕口眾以石擊殺之方充夫婦之嬰禍也親戚勸其苟免充正色曰我夫婦與兒婦義同死汝等自求生可也於是上下感泣願同死者四十餘人男士麟孫駒行從子仲桂先充死惟長子士龍得免見宋史忠義本傳按駒行仲桂舊志誤作何駒何桂

明

張雲翰正統進士任給事中上宰執書拳拳以拔人才崇正學建立王道矩模爲說復以策獻大司馬王驥極盡備邊之方仕至山東參政

王志恭邑人初趙鐸父志德嘗爲縣陰陽訓術天順初爲

德陽縣新志

卷一

人物

三

子行賄欲世其職不果以債多無償乃交從惡少縣仵民徐懷訴於官不理勢漸盛六年蜀中盜起妖僧悟昇安浩等挾黨附鐸遂至數千人鐸自稱趙王安浩爲安國將軍荼毒殊甚都督僉事何洪領兵攻之鐸佯北至彰明洪與都指揮劉雄楊瑛皆被殺朝廷復遣童軒招降已而復叛志恭欲聚民誅鐸密告巡撫汪浩眾皆猶豫浩力主之授以方畧遣軍應援志恭遂大破其眾單騎擣穴鐸幾就擒遁去志恭爲矛所中腸出於脇猶突重圍以手捫腸大呼曰猛士猛士不絕口而死四月官兵追至江油石子嶺擒斬之夷其家賊盡平乃進汪爲

右副都御史贈志恭爲成都前衛百戶蔭一子縣志
作州人

趙珊庠生天順甲午土賊趙鐸叛珊倡舉率鄉勇設伏攻
殺手刃數人賊勢漸抑掩捕散亡追至三郎鎮爲賊所
敗遇害事聞得蔭其子恤其家焉

吳瓊庠生與珊同倡義討賊賊潰瓊極力追殺竝遇害詔
蔭其子

李永芳邑民從珊討賊力竭戰死

梁思邑民亦從珊追殺爲賊所困力戰死

趙月興邑人正德間薛來保縣巨盜也川西北諸盜皆受

德陽縣新志

卷十一 人物

三

約束郡縣苦擾捕之不得有敝衣男子自東山來涉縣
江解衣而浴登岸易紵帽青衣月興爲縣探卒尾之入
城忽又易重麻齊衰月興暗集同伍擒訊供爲來保使
窺虛實者月興縛詣縣獄成斬之後月興乘騾往中江
過六谷關羣盜刺殺之剖其腹剔其心懸其腸胃於樹
杪月興常飼一獵犬出入必隨是日其家人見犬血身
悲嗥知其被殺報官集兵往躡將及盜曰我等怨止興
一人汝輩何爲將一傷踵盜推與曰以此償汝官兵不
敢窮追縛跛盜以歸

羅世守貢生令江州有先世宦蜀劉氏子爲人所訟乘公

出投狀輿中展視曰午飯一餐代金三百拘訊之乃爲人所唆遂書狀尾曰做官受私賄虧心又害理敢因一餐飯吃盡子孫米論之曰爾孤幼姑不深究官司惟憑三尺耳勿聽人誘也尋以母老歸民像祀之

胡裕邑人太僕寺卿朱屏契友家貧窘一日路拾遺金數十兩待主訪而還之屏爲作還金記 按州志誤爲張學使作

篤信還金記

朱屏

或曰處患利孰難君子曰處患難而易處利易而難患者人所避也避之不得有安受焉者矣利者人所趨也

德陽縣新志

卷十一 人物

三

未得而必求既得而恐失名冠裳而實市利者皆是也是故難易昭焉予庠胡友裕一區四壁飽藜衣緼洋洋然無戚容也一日之城南拾遺金若干兩待主訪而還之嗚呼一金在地而人逐之况多金乎富者處之猶以爲難况貧者乎所得不出於所求所欲有甚於所得易人之難胡友其不貧矣督學太康張公聞而彰之上大夫九川呂翁客旌邑亦重其行既筆之傳又顏之額善善之義大矣哉昔齊慶氏分其邑於晏子晏子不受人問之對曰無功之賞不義之富禍之媒也我非惡富恐失富也王充曰楊子雲作法言蜀富賈人齎錢千萬願

一書子雲不聽曰夫富無仁義猶園中之鹿欄中之羊也安得妄載蘇氏曰舜禹不與天下之心卽舍簞食豆羹之義也天下者一簞食一豆羹之積也由是三言觀之存是心也卽晏子之不受也正是心也異賈人之干名也充是心也可以希舜禹之不與也胡友勉乎哉予少也賤亦竊有此事同然之感故樂道之不嫌於不文也

鄭廷英德陽人以州同署黃平州事值歲大旱步行禱雨立應聽斷明決民稱爲神君肖像以祀見一統志

王翰德陽人貢生任韓城教諭時韓士不肄舉業翰聚而

德陽縣新志

卷十一

人物

三

督課之文教不振見陝西通志

杜可教德陽人萬厯閒任騰越州知州清廉惠愛禦緡有功士民感之見雲南通志

曾傳字子遇學以濂洛爲宗知咸陽縣爲治嚴明豪滑斂手涓漲入城往拜泥中水爲之却尋中蜚語歸貧甚居家教授以贍族濟人爲事自甘淡泊子守身舉進士官憲副歲時以俸寄養不以自奉凡所捐助皆是物也

曾守身傳子進士官廣西按察使激濁揚清端且不阿善書法前人稱其有趙松雪之圓潤米元章之勁適居官二十餘年休致卒於家所著詩文僅存十之一

王國禎弟國祥俱庠生母汪氏病兄弟咸割股愈之邑令樊鼎遇旌其門曰兄弟純孝

王國祥事見國禎下

王擢庠生父沒廬墓三年謝成鼇訪之贈以詩曰幾度登堂訪友生聞君廬墓極精誠

辛仲魁庠生以廬墓見知於督學郭子章表其門曰孝子張應聘縣吏父恆居成都病虛癘阽危醫云須得同類物補之聘卽割腠肉調雞臠雜進病遂愈成都令雷叔聞表其門曰真孝勵俗

傅紹說庠生母病篤同兄至母榻前兄偶曳其臂不覺失

德陽縣新志

卷十一

人物

十四

聲問其故始知其割股也事聞旌表

朝

鄧奇英名志量幼有至性父沒廬墓三年待弟友愛鄉人之借貸難還者焚其券康熙中歲饑出穀賑濟捐金修石椿堰人賴其利不信浮屠嘗手書聯云惟遵孔氏書葬以禮祭以禮不用梁皇懺生者安死者安合後嗣守之子六仕儒字汝爲歲貢經明行修學者宗之遇貧士助米薪以資勤讀縣令叢芳涵聘課二子俱成進士仕文字從周廩生幼多病年二十四始從兄學兼務農晝則負耒橫經夜則披被誦讀嘗牧牛坐山石上讀書不

知牛逃歸三載遊泮仕鐸字聖彰原籍湖南武岡州廩生性穎悟嫻經史從學多登鄉舉有出仕者仕份字宗樞歲貢篤行孝悌祭墓哭奠極誠敬兄存沒無閒嘗從兄汝爲學終身加禮焉門下登科入庠者二百餘人官定遠訓導務教化不計束修縣令奇其清苦資銀三百悉以之培葺學宮士習爲變致仕日諸生立石頌德卒年八十有八子孫蕃衍能承先志云

韓寧遠陝西涇陽人康熙間奉母李來邑之孝泉貿易遂家焉母素畏雷遇迅雷雖深夜必侍立左右達旦不離母沒每天陰晦輒戴笠披蓑倉皇赴墓曰兒在此母毋

德陽縣新志

卷十一

人物

五

恐至老不倦人因呼爲韓孝子

楊奇龍邑人少失怙母張性喜食魚家雖貧每食必進隆冬盛雪亦鑿冰取之及母老臥病龍衣不解帶者八載與妻曾氏焚香禱祝母年八十九卒廬墓三年縣令闕昌言教民興水利龍首鑿龍泉堰歐家堰灌田數千畝至今賴之卒年七十歲

倪瑄邑人童年喪父惟寡母姜氏瑄佃耕奉母不怠及娶妻林氏亦秉孝思姜氏末年雙目失明夫婦扶掖奉膳者二十二載聞什邑瑩華山有靈夫婦披髮跣足禮拜至山祈母目愈母目果明及姜氏卒瑄廬墓三年邑士

庶咸稱其孝邑令闕昌言旌其門曰孝德裕後

馬志修字敬齋號松崖乾隆丁卯舉人補甘肅鎮番令在任三年多惠政士民懷之惜事蹟久湮無能述者

馬能修字汝乾號健齋少時以勇俠聞兄令鎮番挈家資協濟飛輓當事義之授雲南曲江司巡檢尋歸偕伯叔父兄優游林下孝友之風一時稱羨年六十八會親友談生平事暢飲數日無疾而逝

馬健齋傳

張懷泗 環甫

馬能修字汝乾號健齋德陽人曾祖字正思生仲常仲常生希賢俱以希尚濟寧州刺史貴封奉直大夫希賢

德陽縣新志

卷七

人物

三

授武畧騎尉生子四能修其第三也長志修乾隆丁卯科舉人甘肅鎮番令次行修太學生季敏修明經孝弟嫻睦代有聞人爲德陽望族云邑西四十里孝泉東漢孝子姜詩妻龐氏故里也事載漢書墓附近舊有姜公祠置田六百餘畝以奉祭祠隣寺僧塑三佛像於後殿歲時會拜觀者萬計時能修年二十餘邀黃天瑞張拱真袖鐵椎擊之頃刻齧粉金碧委地衆大譁能修呼曰祠祀孝子所以妥神靈正風俗也今以佛亂之大乖名教碎之是佛能爲厲我輩當之眾唯唯踰時僧與首事十人合詞上控並增人擊毀龍牌狀經年不得直會成

都守王爾鑑虛衷研鞫始得其詳緣僧與首事以塑佛
爲名實規祠利佛碎計阻因將本祠龍牌送置斗峯菴
而以斗峯菴舊龍牌擊碎以甚能修過得實抵僧與首
事十人罪如律事遂白當志修之合鎮番也值我大兵
西征伊犁和闐等處羽檄紛馳飛輓尤亟能修挈家貲
協濟故唯鎮番得無譴當事者義之後官雲南曲江司
巡檢非所好也尋告歸維時二親在堂濟寧刺史及鎮
番合在林下皆長身而髯每出長幼有序杖履優游望
之者知爲金雞橋馬氏也年六十八卒子二長僦庠生
次儁處士孫三伯榮桂庠生仲榮槐業儒季榮松援例

德陽縣新志

卷十一

人物

三

成均曾孫九紀勲紀獻紀庸紀綱紀宸紀模紀齡紀維
紀言論曰佛自漢入中國二千餘年雖或時有禁廢然
未有若斯一推之快也夫有佞佛以修福卽有碎佛以
衛正者而究之修福之人卽嫁禍之人佛可恃乎哉且
禍未嫁而身蹈之福又安在哉能修以儒家少年子一
身始終其事履險如夷可謂有功名教矣德陽水溪土
厚甲諸邑孝慈忠義鬱鬱多材卽馬氏一門觀於能修
之秉禮守道而知其昌熾當未有艾也已

馬健齋輓歌

何人鶴

韓昌黎闢佛爲國家馬健齋擊佛爲孝子大唐

大清兩人傑浩氣如虹澈天起孰謂匹夫之志不可行有能爲
是亦若彼淡痛世人不重孔子戒倒置衣冠隨釋氏頂
禮佛足無不爲胆過赤眉敢犯孝子里裝嚴法像入寢
室謂人不敢我詆訛收田奪利無過此那知如來偏不
喜默使豪俠將像毀鄉愚望之肝膽顫吠影吠聲喧邑
市快人快事醒骨髓清涼似飲楊枝水彼秃伎倆自角
抵神明照破奸計死六十八年彈指過畱作千秋佳話
紀

碎佛行

張懷溥 雨山

健齋先生眼無物俠骨錚錚不可拂低頭只拜孝子祠

德陽縣新志

卷十一

人物

三

放膽不知西天佛西天老佛忽破戒香火直爭孝子界
先生奮臂往擊之丈六金身一椎碎天龍夜叉救不得
努目金剛齊失色佛也無言僧也言三塗八難恐難釋
先生曰噲爾何知此地東漢姜公祠我

朝孝治釐祀典彼無君父安得相追隨佛若有靈罪在我阿

鼻地獄無不可不然先教佛捨身燒取舍利投諸火城
狐社鬼失所利織成貝錦訴大吏大吏前身韓退之手
捧秦鏡僧無詞至今人過孝泉側不匱之思問誰錫君
不見周妻何肉兩寂寂千載英風唯傳奕

馬永修濟寧州牧希尙之子性孝友不樂仕進由附貢援

例縣丞聞母病卽告歸奉養十餘年母病竟愈時相訛以爲異

馬永修傳

何人鶴

馬永修濟寧州牧希尙公長子母蒲太夫人公鬚眉秀整目光如崖下電精爽逼人乾隆十六年由附貢生援例縣丞修築汶上縣分水龍王廟堤工值母病癱告終養還時年三十有五弟慎修援例主簿儒修援例訓導侍太翁側公歸奉太夫人湯藥衣不解帶者十年每月朔望至本邑孝子姜詩祠焚香拜祝母忽一日下牀出堂中謂公曰我夢姜孝子母以手相攜不覺行至此囑

云爾子永修孝心所格持扶爾起合族親黨來視康強等於平昔無不稱嘆爲奇時太翁任北直磁州牧星夜往告太翁大喜仍歸侍母又五載太翁請老予告還鄉兄弟三人聚首一堂奉雙親真極樂矣乾隆三十年蒲太夫人下世三十五年太翁下世服闋後謂長子鍾岳季子鍾泰曰爾叔慎修作古儒修任茂州訓導我年近六旬回首生平仕宦不達功名不顯無大快意事惟臥病十年之老母一旦起又偕辭官老父起居八年只此覺心稍慰可對神明可告親友且爾輩宜努力讀書以繼先人之志岳遊庠後奉父母亦如父事祖父母云公

年七十三卒

鄒大訓字起予號鑒亭乾隆乙酉舉人初官浙江仙居令
仙居素稱難治積欠尤多大訓到任一載仁明清苦甚
得民心遂皆輸賦足額縣屬大張莊有無爲教匪聚眾
不法大訓偵知督同典史漆淳美帶兵役往捕匪等拒
捕戕傷典史大訓激厲紳民擒捕淨盡旋補衢州府峽
口同知其攝歸安及駐峽口緝盜除害賑饑救荒士民
咸懷各廟設長生祿位牌大堂掛三衢福星額以誌頌
禱

鄒司馬傳

吳經世 邑令

德陽縣新志

卷十一 人物

三

鄒大訓字起予號鑒亭德陽人登乾隆乙酉鄉薦年近
六十始以需次得浙之仙居令仙居地狹而瀕海素稱
難治起予恩威並用莫不畏而懷之有奸民李鶴臯者
臨海人以無爲教雲游惑眾來仙居之大張莊說法燒
香歛錢崇信者日眾漸爲不逞起予偵知其事密稟浙
撫躬率兵役往捕時匪徒已千餘負嵎拒捕棒傷典史
漆淳美起予激勸居民耨鋤矜棘奔走偕來圍大張莊
約四更許匪哄而將散起予命開圍之一角而縱其脅
從者惟李鶴臯與其徒百餘人束手待擒訊明解省分
別擬罪浙撫嘉其能任大事奏請送部引

見奉

旨陞衢州府峽口同知回浙後復委署歸安令莅事數月復有政聲及將赴峽口任吏民遠送無不歎息泣下共言其賢者峽口介閩浙之交積匪猾賊屢懲不悛起予糾之以猛取其尤稔惡者而寘於法一時宵小斂迹歲旱勸民賑貸乃行平糴之法饑民賴以全者甚眾嘉慶十六年以老告休攀轅卧轍者一如其爲令去官時起予自令至丞潔已奉公屏絕干謁衣服飲食有寒土風及去官之日囊橐蕭然敝衣書笥他無長物在浙多年上憲廉知其能每有疑獄多委讞焉起予平心酌理因事開

德陽縣新志

卷十一

人物

三

導往往兩造感泣遂以平反或代同官分咎亦不使其人知人是以服其量其自峽口致仕也不能治舟車上憲同寮及士民伙助乃得治裝而歸起予子早卒二孫尙幼家居課讀卒年八十有二余官德陽起予甫解組歸以士民禮見非公不至有澹臺子羽之風敬其人而欲有以傳之也故爲之傳以載於邑乘

張道華字實亭幼失怙恃依舅氏家讀書日誦數千言弱冠中乾隆己亥副車掌教勵忠書院廿餘年生徒雲集謹身寡言不預公事其訓諸生必以德行爲本卒之日家徒壁立門人爲之殯葬

李濂字南溪號洛渠其先張姓樂山人父張沛李任德陽教諭濂隨任肄業補成都弟子員中乾隆甲午鄉試遂家德陽設館授徒歲以百計因材教育循循不倦年七十餘卒著有集藏於家

南溪李孝廉傳

何人鶴

李濂字洛渠號南溪成都學原籍樂山縣人祖出繼張氏名俸康熙壬午副榜任德陽學教諭父張沛李乾隆九年纂修德陽縣志學識淵博洛渠得其傳舉乾隆甲午孝廉初余於庚寅辛卯客錦江晤洛渠於朋輩中客戲曰顧公在座使人不樂余曰李公雅人真吾友也訂

德陽縣新志

卷十一

人物

三

莫逆交乾隆四十九年余自山東泰安署侍母還家洛渠書問東遊四載所樂何事答以詩曰東遊何所樂殊費故人思萬斛蓬萊酒一瓢滄海詩友朋雲聚散歲月電奔馳歸臥臺山下空添兩鬢絲時洛渠攜子一孫一館德陽孝感書院已八年及門鄉薦及遊庠者百餘人甲寅冬晤於其館未幾訃至嗚呼洛渠以抱負不羈之才欲爲乃祖乃父彰其隱德以報讀書不顯達之憾乃終以經史子集芸窗燈火繼前人流寓旌陽屬續於門人之手天之報施善人其真不爽耶抑亦玉樓待詔之別有資格耶未可以爲信也嗣聞旌陽士人謀報洛渠

教誨恩以子孫八籍置田三十畝建宅城中子某遊庠
孫某繼之天默佑或又在是歟

劉觀光廩貢生天姿醇摯篤於孝友不驚榮利閒居精心
岐黃以救人爲念凡有求請雖風雨無阻尤好周濟貧
窘年八十別親友焚借券而逝

劉觀光傳

李鼎元

明經劉君觀光德陽人也先世湖南籍祖奇祿始遷蜀
卜居德邑之劉家營奇祿生應傑應傑生君天姿醇篤
事親以孝聞與兄光文光玫友愛倍摯讀書敏悟過人
博聞強記捷於爲文弱冠補弟子員旋以優等食廩餼

德陽縣新志

卷十一 人物

三

親老左右就養出必告反必面有勸其負笈遊學者輒
舉歐陽公隴岡阡表曰祭而豐不如養之薄吾豈忍舍
親遠出以求不可必之名哉既遭親喪哀毀骨立營墓
種松事必身親既免喪謝志功名精心岐黃術急人之
危昏暮無閒活人甚眾性慷慨好施予鄉有二婺媪貧
而孤君歲給衣食始終無閒後媪卒爲經紀殮葬君年
八十而卒前數月遍詣親故告別歡笑倍常臨卒沐浴
更衣遺囑甚明晰令焚借券若干金元配張無子側室
朱生三子長汝黼次碩輔次汝黻碩輔漢州諸生穎異
有文名能世其家余與明經鄰縣交好故樂爲之傳

李應質字坦之陝西鳳翔人父莪進士爲德陽令卒質因保固城垣不克旋里乃入籍德陽以國學赴鄉試屢躓場屋舉人曾慎相與友善以女妻之慎卒于彰泗孤苦無依應質爲延師與諸弟同學又代營其祖母之喪而表其墓彰泗以選拔授知縣應質時病甚歎曰吾今可對麓亭矣麓亭者慎之號也其後彰泗署洋縣令因寧陝新兵之變城破死之

廖運伯字早成監生原籍湖南厚重嚴敬博聞廣記手不釋卷從者歲數百人循循教誘雖燕見必整冠束帶弟子多登仕版族黨有爲不善者遇諸途必自引避晚年

德陽縣新志

卷十一

人物

三

猶於燈下作蠅頭小字屢薦鄉試不第所著考論及詩文甚夥脫稿輒爲門人取去所存惟性理諸說卒年八十三子鑑庠生少有文名縣令桂溥詢知其貧延課其子一時先達者皆器之秋闈連薦不售乃家居教授足蹟不入城市年六十卒嘉慶戊午孫家驊中鄉試第一人咸稱爲盛德所致

曾彰泗字孔林嘉慶辛酉選拔十年署陝西洋縣令五卽鎮兵叛突城城潰脅降大罵遇害事

聞合照知州例卹入祀昭忠祠于廷槐孫光耀相繼蔭雲騎尉以恩騎尉世襲罔替僕章升謝清亦同死難竝得附祭

同時共守洋縣死難有乾州吏目劉錫名當時有雙忠之稱焉

洋縣殉難曾公傳畧

馬允剛

公名彰泗字孔林四川緜州德陽人也原籍湖南寶慶府新化縣公祖世準新化庠生有盛德生太公慎兄弟五人太公居仲客德陽因家焉太公博學有文譽由己卯科副車中己亥恩科舉人考中咸安宮官學教習未仕而歿母歐陽太夫人亦相繼逝時公方生十有二歲也少孤無依諸季父皆遠莫能相顧李公名我者陝西鳳翔人也以進士令德陽久亦家德陽其子貢生應

德陽縣新志

卷十一

人物

三

質貞公熒熒獨立風骨岸然異常兒憐而愛之遂以女許字焉以養以教所以成全於公者甚至公亦感奮弱冠入邑庠試必前列至辛酉應選拔貢生

朝考二等引

見以知縣用籤發陝西嘉慶七年九月來西安八年署延川縣未久回省十年六月署洋縣洋自教匪滋擾以來不靖者七八年矣今哀鴻甫集閭里凋殘蕭條滿目公下車勤於撫綏勿怠勿荒民賴以寧惟城大而舊土性鬆薄傾圯頗多欲補築之以民力未充而止及七月聞寧陝兵變日夜督率民夫補苴防護設誠以勸之懸賞以勵

之備火藥鍊技藝以鼓動之城破之前一日見民情懈怠猶慷慨激昂以諭之曰爾勿自懈也此城破吾惟一死耳吾死終無救於爾也言之泣下漢南民習慣游惰亟圖避賊時有勸公亦稍避鋒以自全者公斥之又云公卽不避可移家屬順流暫避他處公曰吾爲此城之主若家屬先去則人心愈搖誰與共守吾唯同死於此耳勸者漸退時淫雨浹河水漲發兼之援兵未到忽於八月之朔賊眾自西蜂擁而至吏民震恐無敢當賊衝者公督僚佐分守各門而公自守大西門小西門執兵登城見賊勢難支大呼曰勿輕動先自亂城難保矣

德陽縣新志

卷十一

人物

三

左右指揮施放鎗炮奈賊眾城壞忽報西北西南兩角賊已登城民夫潰散軍功王登福趙全家者掖公逃公曰吾守土官也何逃與此城俱亡耳再勸堅不肯行於是見執公曰吾洋縣官也殺吾可矣勿害吾民賊聞此語亦有贊嘆者旋聞賊呼陳苟二元帥云其官在此遂擁至城隍廟縛之前楹謂公曰公亦四川人從吾反卽不殺公罵曰不遵王法不畏天理四川焉有爾等人大罵之賊怒以沸湯澆之身手糜爛罵不絕口久之賊知不可降乃殺之額項前後共受三刀傷兩脇受二矛傷而死廟祝道士親見之方城破時家僕請移公眷避賊

公不顧民感其德者多爲之道地乘夜出城遂以免公
殉節廟楹其家亦不知也三日後賊退士民復業者收
公屍哭之者塞巷填衢家人逃歸者購衣棺而殮之焉
巡撫方據情入

告蒙

皇上嘉嘆再三以知州例賜卹贈崇秩更命於城隍廟內設專
祠春秋致祭蔭其嗣子所以報忠也夫人李氏無出以
堂弟彰名之子庭槐嗣甫十歲公生於乾隆庚寅正月
十三日歿於嘉慶丙寅八月初一日享年三十有七從
死家僕二人韋升京都人謝清廣東嘉應州人皆久從

德陽縣新志

卷十一 人物

三

公者故附書之讚曰維公之學忠孝爲基維公之品珪
璧競奇氣凌河嶽志貫虹霓湯湯漢水渺渺梁岑公之
不朽視此高深卓哉人傑百代所欽

同守洋縣城殉難署華陽縣丞劉君傳畧

附馬允剛

公順天通州人名錫名字輯玉號醒鄉爲通州望族簪
纓不絕祖文燦贈文林郎父均乾隆戊午舉人歷知陝
西三水浙江富陽金華義烏歸安等縣有政聲生公弟
兄六人公居六少有文譽善筆札以州佐試用陝西自
教匪滋事在興安委辦防堵善後各事宜屢著勞績時
大憲嘉其勤能補乾州吏目因署華陽縣丞卸事過洋

適值叛匪之變曾公畱公守城公卽慨然共守不忍去當賊之已登城也壯丁潰散見曾公被執乃持佩刀大呼曰狂賊敢爾耶奮力撲砍之賊爭刺公公以刀揮之力不支脇與腹受二矛傷自投文昌閣下濠內死賊退家人覓公屍於初八日得自水中佩刀猶在手也洋民哭之哀與曾公竝致奠焉事

聞詔竝卹有雙忠之嘆

廖兆傑貢生性骨鯁不諧於俗幼時有叔母暴病術者謂里社神爲祟移文責之而夷其祠鄉里以是奇之學以主敬爲宗嘗謂學者能敬便是聖賢立身要領平生力

德陽縣新志

卷十一

人物

三六

關二氏之學其誨人亶亶不倦於宋儒之理深有發明晚選蒲江訓導年七十六始舉一子人以爲篤信敦行之報云

張嘉謨歲貢生厚重敦篤言笑不苟選授訓導不忍與兄弟離不就人稱其有姜肱之風焉

張嘉言嘉謨弟事兄維謹日數見如嚴賓人嘗有以言閒之者則曰吾門兄弟怡怡必無是說不之信也

陳文歲貢品行敦篤古貌古心待物誠敬雖幼小不欺都人士共目爲仁德長者

陳縉書字獻廷庠生親沒廬墓以孝聞教人先品行後文

藝遊其門者歲以百計家不及中人產歲量足用外盡以周族戚之貧者於孤老尤加厚焉卒年五十八歲門人私謚爲崇眞先生云

李如璦字有斯弱冠補弟子員舉明經平生孝親信友爲鄉黨重教授生徒孜孜不倦一時稱爲人師卒年七十
三歲

李如璦傳

何人鶴

李如璦字有斯行九中江人入籍德陽父蕃長壽縣訓導公幼讀書以躬行實踐爲主不肯居著作名嘗曰揚子雲以法言擬論語以太元擬周易其艱深誠不足道

德陽縣新志

卷十一

人物

三

卽馬融鄭元何休匡衡焦贛京房諸儒一時羽翼經傳擢藻揚華非不炳炳烺烺炫耀千古然見理精切不及宋五子有合於聖人之道子潛心與及門諸子一步一趨確守自足故不惟有漢諸人非所願學卽倚托濂洛關閩以言語相牴牾亦所不暇也舉明經親沒不見齒有三年鄉里曰爲孝子卒年七十有五門人私謚爲景五先生

鄧肇度字東麓廩生方正坦率非禮弗履少好學博綜羣書人有疑難輒就訪之屢薦不售遂絕意科舉以教授爲業藏書數千卷皆手自丹鉛卒年五十六歲

邱泰字正飛弱冠入庠父蘭玉性下急稍不如意則譴責立加泰左右將順得其歡心母曾老病不能行出入須挾掖泰躬親侍奉朝夕不倦父母皆逾八十而終遇弟恆友愛備至家事以身任之不分勞於弟白首相處如賓客里黨皆欽其行年八十二卒

盧昌齡增生幼敦孝行母徐蚤逝事繼母劉尤極誠敬曲得歡心繼母弟昌運昌邃爲設家塾以課其學從遊者甚眾領鄉薦遊膠庠者彬彬多出其門卒年七十一歲增生盧公傳 何人鶴

盧昌齡簡州學正義維公長子敦孝行講實學稱旌陽

德陽縣新志

卷十一

人物

四

諸生中第一人生母徐孺人逝時齡年七歲弟昌期三歲繼母劉孺人生弟昌運昌邃齡性醇謹事繼母最得歡心年十九補增廣生於家學後嘗受業於鄉先達馬志修金堂徐思篁兩先生俱許作科甲人物竟數奇不得售於是常爲三少弟師及弟昌期遊庠昌邃繼之且食餼太翁義維公與母劉孺人喜曰我祖自楚來川落業中江古店是爲原籍復居德陽莊宅近今數十年菽水恃以無缺者雖昌運亦與有力至督率勤劬家聲丕振微長子不及此且授徒三十載中江孝廉黃任成都孝廉王心一俱出門下遊庠者數十人今皆彬彬然爲

我賀是可樂也已嘉慶六年弟昌遠援例教諭嘗以兄素行及父母之言語余余信於其父母兄弟尤信於其諸弟子若昌齡先生者即孟子所謂不愧不怍樂得英才而教之者也年七十一卒長君一鵬國學次一鯤增廣生

曾灝字靜軒歲貢少時誦習以孝經爲首務稍長事親曲得歡心親怒必跪而禱之待同族昆季如同胞然鄉人士咸稱之

黃鉅監生素性誠親有不悅必委曲求全以適親意族中子姪秀而貧者爲延明師啟迪束修膏火量力扶助

德陽縣新志

卷十一

人物

聖

人多遊泮

蕭基珊邑人松茂道典吏凡親之所愛不惜財物以求之公事雖迫月必告歸定省親沒廬墓三載年七十餘卒其子定忠尤好施與鄉之人咸謂孝義一門云

羅萬象邑人年十八家甚貧母汪病危醫藥莫愈與妻潘氏夫婦禱天割股療親果愈年七旬餘始卒

胡攀桂字香亭監生性孝友妾偶忤母遂出之樂施濟嘗出多金以贖人之鬻子女者品尤重於鄉里年八十卒里人咸稱道不衰

劉邦彥字燦英性至孝年三十喪妻父命曰若既有子勿

更娶因沒齒不言續絃中年嘗遊幕得館金輒以濟人之貧困者里有縉紳家兄弟構訟久不解邦彥爲之委曲開導遂俱垂淚罷訟工書法有求字者輒手書前賢格言付之年八十無疾而卒

劉綱耀字鴻雅事母以孝聞嘗患嘔血疾侍母側則色笑如故性耿介尙義有醫士陳某陝人而客蜀者耀與爲友及陳病死眾謀瘞之義地耀曰吾友也胡爲置亂塚中卜己地葬之且以祭掃囑後人年五十八卒里人咸稱其篤行云

王朝柱邑人年十九失怙事母以孝聞鄉里有紛爭者爲

德陽縣新志

卷十一

人物

聖

之掛解人皆服之倡修孝子祠姜公石坊置義冢增修清涼等橋柱與其妻李氏俱九十乃卒人稱爲一鄉善士云

周文任監生居家孝友值歲饑謂弟曰鄭罕宋樂昔人美談吾家幸足食今鄉里貧困安可坐視因量力捐米以濟之凡族里子弟之秀而貧者引入家塾延師課讀給之薪水嘗建觀平橋又施棺槨二百具鄉鄰皆欽其義

云

杜天美監生幼孤事孀母得其歡心素性嚴正樂善好施嘗延師教鄉子弟不惜館金至今人思慕之

張世昶字辭達幼而沈厚有武畧以親老躬耕奉養朝夕承歡至老不離性慷慨好施予親故中有貧不能自舉者周恤不吝初無德色年八十四卒迄今子孫蕃衍科名相繼云

劉應湖字宗典邑人幼以孝聞夏則扇席冬則煖被處昆季閒友愛畢至父母皆逾八十而終遇忌日必設主以祭祭必哀至老無閒嘉慶元年題請壽民現年八十九歲

傅登榜庠生樂善好施雍正時值歲歉鄉人乏食登榜出已穀百石以濟次歲穀熟亦不求償行人缺路費者嘗

德陽縣新志

卷上 人物

三

計程周之平生凡便人之事無不樂爲病篤悉取鄉人借券焚之以終

馬友生邑人賦性純良嘗捐資以濟人毫無德色邑令吳雙丁士一皆給匾獎賞子成秀庠生亦能繼志守分

廖運旭字九日厚重簡默樂施濟捐囊修補橋路子啟仁亦繼父志

廖啟仁字占元武庠體貌魁偉目閃閃如岩下電與人談論聲若洪鍾人多敬畏援例捐衛千總躬耆庭幃性醇篤樂善邑中創建聖廟書院皆捐金倡首邑令周際虞極敬之親族有借貸無償者悉焚其券平生酷好文士

與金堂翰林高

進士黃紹芳時相往來談輒數日

自喜得友卒年七十四歲子六孫光杰任湖南衡州府通判餘多列膠庠膺成均人以爲樂施之報云

錢大模邑人貌陋不娶教訓蒙童得修金卽以修橋路、平喜俊邑人直樸端方謙和推讓施茶藥濟困乏嘗修西關道義方訓子長子有權歲貢次子有衡俱能承父志黎元爵庠生醇謹好善收族睦鄰嘗建羅漢修善二橋邑人稱爲善士

周懿先邑人以儉樸持家好施予人有困苦者多方以濟之

德陽縣新志

卷十一

人物

四

龍永公弟能公俱邑民性醇厚兄弟素樂善鄉黨共欽其行

龍能公見永公下

向天伯邑人居鄉黨爲人居閒排解曲盡心力壘壘不倦人服其公

邱南若邑人居家勤儉戒子弟以守分爲先人有急恆傾資以濟

邱蘭玉邑人性坦率語言不苟以忠厚傳家閭里皆師其行

劉國現邑人樂善救危嘗捨地作眞君祠卒年八十易簣

時悉取貧人借券焚之士庶咸稱有德子朝聘歲貢孫文洙國學俱守分純篤

張奇富邑人嘗代賠編甲逃糧開黃膠堰修荷照橋施棺木買義地費數千金不惜子魁斗克承父志邑人共稱之

吳基字理亭監生性耿介不樂世好乾隆五十九年嘉慶十年兩遇歲饑皆捐米施粥鄉黨有親沒不能葬者爲作棺木數百付施送復置義冢或力難婚配孤苦無依均出資以助且廣施方藥所活多人都無德色縣西有諶公耿懷二橋費金千餘皆基倡修族中子姪咸畏而

德陽縣新志

卷一

人物

巽

敬之

何子柱邑人樸直端方鄰里有紛爭涉訟者得一言立判有富人誣貧民爲盜以子柱言事獲白其族中有爲不善者皆畏而悛改鄉黨共欽其行與妻李氏俱年九十有六卒孫曾近百口猶合爨云

侯位一處士性寬厚鄰某夜伐其竹家人將捕獲位一以杖擊戶曰捕至速去值歲早有盜其田水者歎曰非人害予實天陷人其盛德類如此子起元任江蘇溧陽縣知縣孫宗秩任直隸東光縣知縣皆厚德所致授修職郎卒

黃鈞性孝友心坦白樂善好施教有義方子孫克繼厥志
邑令鄭觀光嘗旌其門

董坎字匯元陝西蒲城人家貧入川貿易積有贏餘分金
回籍置產以安其寡嫂嫂無子爲之撫族八子承祧復
來川落業柏社鎮性坦率有假貸不能償者輒焚其券
歲饑捐米以助賑邑令鄭觀光爲旌其門年八十四卒
子三正誼嘉慶癸酉拔貢

文希鯨邑人素性公直舉耆民招徠開墾解紛息訟年六
十二卒鄉人至今念之孫國庠監生

劉文頤邑人居家勤儉義方教子樂施好善年九十九卒

德陽縣新志

卷十一 人物

四

人稱善行子邦佑歲貢孫正鳳監生

劉天爵邑人循理守分自淑其身勸人以孝友和睦爲先
喜周濟親鄰貧乏年八十四卒一鄉稱善

龔元捷邑人秉性忠厚力農常以穀米周急不取利息樂
善不倦年八十一卒孫仁祿能繼其志

田作材字億萬增生性端方樂施與親朋有借不能償者
還其券有乞童赤身無依作材收養成立爲之娶妻視
如己出年七十五卒其子人爵誠樸自敦人謂有父風
焉

錢永陞

鄧宗鏞

鄧宗鏞

以上三人舊志無事實

